



**OPĆINA ILIJAŠ U PARTNERSTVU S RAZVOJNIM PROGRAMOM UJEDINJENIH NACIJA RASPISUJE:
JAVNI POZIV ORGANIZACIJAMA CIVILNOG DRUŠTVA/NEVLADINIM ORGANIZACIJAMA
ZA PREDAJU PRIJEDLOGA PROJEKATA U SKLOPU ReLOaD3 PROGRAMA**

Regionalni program lokalne demokratije na Zapadnom Balkanu 3 - ReLOaD3 je regionalni program kojeg finansira **Evropska unija (EU)**, a implementira **Razvojni program Ujedinjenih nacija (UNDP)** u šest zemalja/teritorija Zapadnog Balkana i to: Albanija, Bosna i Hercegovina, Crna Gora, Kosovo*, Sjeverna Makedonija i Srbija.

Općina Ilijaš i ReLOaD3 program pozivaju sve organizacije civilnog društva (OCD) iz Bosne i Hercegovine da dostave prijedloge projekata u okviru tematskih oblasti koje su u skladu s razvojnim ciljevima ove jedinice lokalne samouprave (JLS). Tematske oblasti potvrđene su kroz konsultacije s građanima i predstavnicima organizacija civilnog društva u okviru javne rasprave organizovane 13. januara 2026. godine.

Definisane su sljedeće tematske oblasti u okviru javnog poziva:

1. SOCIJALNA POLITIKA I RAVNOPRAVNOST SPOLOVA (SDG 1, 3, 5, 8, 11)

- 1.1. Projekti koji povećavaju socijalnu inkluziju osoba s poteškoćama u razvoju;
- 1.2. Projekti koji doprinose unapređenju kvaliteta života lica sa invaliditetom;
- 1.3. Projekti koji podstiču programe i edukacije u oblasti zapošljavanja, naročito za kategorije stanovništva koje se teško zapošljavaju: osobe sa invaliditetom, lica starija od 50 godina s posebnim akcentom na žene;
- 1.4. Projekti koji podstiču nove usluge za stara lica i socijalno ranjive kategorije stanovništva;
- 1.5. Ekonomsko osnaživanje žena;
- 1.6. Prevencija nasilja nad ženama.

2. KULTURA (SDG 11)

- 2.1. Pобољшanje kvaliteta i dostupnosti kulturnih sadržaja za sve kategorije stanovništva kroz promociju različitih vidova kulture, umjetnosti, kulturno-umjetničkog amaterizma i volonterizma;
- 2.2. Promocija umjetničkog stvaralaštva na području općine.

3. SPORT (SDG 3, 10)

- 3.1. Podrška projektima koji na inovativan način podstiču razvoj sportskih sadržaja za djecu i mlade;
- 3.2. Projekti koji afirmišu amaterski sport sa akcentom na osobe iz socijalno-isključenih kategorija stanovništva.

4. MLADI I INFORMISANJE (SDG 4, 5, 8)

- 4.1. Projekti koji podstiču neformalno obrazovanje, razvoj kompetencija i zapošljivost mladih;
- 4.2. Projekti koji doprinose zdravlju mladih, mentalnom blagostanju i sigurnim životnim stilovima;
- 4.3. Projekti koji promovišu kulturu, umjetnost, kreativne industrije i identitet mladih;
- 4.4. Projekti usmjereni na razvoj humanitarnih vrijednosti, solidarnosti i aktivnog građanstva kod mladih, kroz aktivizam, volonterske, edukativne i društveno korisne aktivnosti;
- 4.5. Projekti koji podižu svijest mladih o sigurnosti, odgovoru na prirodne katastrofe, upravljanju rizicima i uticaju klimatskih promjena na zajednicu;

* Za Evropsku uniju, ovo imenovanje ne dovodi u pitanje stav o statusu i u skladu je sa UNSCR 1244/1999 i Mišljenjem ICJ-a o proglašenju nezavisnosti Kosova. Za UNDP sve reference na Kosovo shvatit će se u kontekstu UN-ove Rezolucije 1244/1999

4.6. Medijska pismenost i borba protiv dezinformacija za sve kategorije stanovništva.

5. ZAŠTITA ŽIVOTNE SREDINE (SDG 9, 11, 12, 13)

- 5.1. Projekti koji promovišu zaštitu životne sredine, održivi razvoj i zelene inicijative uz građanski volonterizam i aktivizam;
- 5.2. Projekti koji doprinose stvaranju edukativno-rekreativnih sadržaja iz oblasti zaštite životne sredine za cjelokupno stanovništvo.

6. RURALNI RAZVOJ (SDG 2)

- 6.1. Edukacija stanovnika o uzgoju i promociji organske proizvodnje;
- 6.2. Projekti koji doprinose promociji i jačanju ruralnih sredina;
- 6.3. Projekti koji doprinose izgradnji i jačanju kapaciteta ruralnog stanovništva za prevenciju, pripremu i odgovor na prirodne katastrofe i druge vanredne situacije.

7. ZAŠTITA ZDRAVLJA (SDG 3)

- 7.1. Promocija zdravih stilova života u cilju prevencije i unapređenja zdravlja;
- 7.2. Edukacija o bolestima zavisnosti i opasnostima modernog doba (opasnosti na internetu, vršnjačko nasilje);
- 7.3. Projekti usmjereni na unapređenje znanja i praktičnih vještina stanovništva u oblasti prve pomoći, s ciljem jačanja spremnosti zajednice za hitne i vanredne situacije;
- 7.4. Projekti koji podižu svijest o ulozi lokalne zajednice u zaštiti zdravlja, sigurnosti i prevenciji rizika po zdravlje stanovništva.

8. GRAĐANSKO UČEŠĆE (SDG 16)

- 8.1. Projekti koji jačaju učešće građana u procesima donošenja odluka i razvoju zajednice;
- 8.2. Projekti koji doprinose unapređenju transparentnosti i građanski nadzor nad radom lokalne uprave.

Organizacije civilnog društva mogu dostaviti prijave u okviru tri LOT-a:

LOT	Iznosi sredstava po projektu	Dužina trajanja projekta
LOT 1	5.000,00 – 15.000,00 KM	Od 4-10 mjeseci
LOT 2	15.000,00 – 25.000,00 KM	Od 6-10 mjeseci
LOT 3	25.000,00 – 50.000,00 KM	Od 6-10 mjeseci

PRAVO UČEŠĆA:

Učešće u ovom Javnom pozivu otvoreno je, na jednakim osnovama, za sve formalno registrovane organizacije civilnog društva (udruženja/udruge ili fondacije), u skladu s važećim zakonskim propisima u Bosni i Hercegovini.

VAŽNO: Da bi se prijavili na Javni poziv, podnosioci prijave moraju dostaviti **Izvod iz registra organizacija civilnog društva**, budući da je ovaj dokument **eliminatornog karaktera**.

Sve zainteresovane organizacije civilnog društva detaljne informacije o uslovima za podnošenje prijava i kriterijima za finansiranje projekata mogu pronaći u **Smjernicama za podnosiocima prijave**, koje su sastavni dio ovog Javnog poziva. Više informacija o načinu i uslovima prijave na Javni poziv nalazi se u dokumentu „Odgovori na često postavljena pitanja“.

PREUZIMANJE DOKUMENTACIJE:

Sve potrebne informacije i elektronska verzija cijelog seta prijavne dokumentacije može se naći na web stranici Općine Ilijaš (<https://www.ilijas.ba/>) kao i na web stranici UNDP-a BiH (<https://www.undp.org/bs/bosnia-herzegovina>) od 22. januara do 19. februara 2026. godine.

PREDSTAVLJANJE JAVNOG POZIVA I MENTORSKI SASTANCI

Prezentacija javnog poziva za zainteresovane organizacije civilnog društva će biti održana:

u četvrtak, 29. januara 2026. godine, od 14:00 do 15:00 sati u sali Općinskog vijeća Općine Ilijaš (ulica 126. Ilijaške brigade, br. 16).

Organizacije civilnog društva će tokom sastanka biti detaljnije upoznate s pozivom, načinom prijavljivanja, kriterijima, itd.

Tokom trajanja Javnog poziva, organizacijama civilnog društva bit će osigurana dodatna mentorska podrška. Mentor će organizacijama civilnog društva pružiti podršku u pripremi projektnih prijava, u potpunosti u skladu sa zahtjevima Javnog poziva. Prvi sastanak s mentorom bit će organizovan **u četvrtak, 5. februara 2026. godine, s početkom u 10:00 sati, u sali Općinskog vijeća Općine Ilijaš (ulica 126. Ilijaške brigade, br. 16).**

- Ukoliko se ukaže potreba i prijavi dovoljan broj zainteresovanih organizacija, tokom trajanja javnog poziva biće organizovan trodnevni trening iz upravljanja projektnim ciklusom (PCM). Zainteresovane organizacije prijavu trebaju dostaviti na sljedeću e-mail adresu: enisa.mesetovic@ilijas.ba.
- Termini održavanja treninga i mentorskih sastanaka bit će blagovremeno objavljeni na službenoj web stranici Općine Ilijaš.
- U cilju osiguravanja transparentnosti, zapisnici sa održanih mentorskih sastanaka bit će javno objavljeni na web stranici Općine Ilijaš, čime će se omogućiti pristup svim relevantnim informacijama i za OCD koje nisu bile u mogućnosti prisustvovati sastancima.
- Pitanja u vezi sa javnim pozivom, podnosioci prijava mogu poslati na e-mail adresu registry.ba@undp.org s naznakom za ReLOaD3 program do **11. februara 2026. godine**. Odgovori na upite će biti dostavljeni u pisanoj formi unutar tri radna dana od primanja upita.

PREDAJA PRIJAVA:

Dokumentacija za prijavu na Javni poziv može se preuzeti od 22. januara do 19. februara 2026. godine, sa zvaničnih web stranica Općine Ilijaš (<https://www.ilijas.ba/>) i UNDP-a BiH (www.undp.org/bs/bosnia-herzegovina).

Prijava na Javni poziv mora sadržavati obaveznu i dodatnu dokumentaciju:

- **jedan elektronski primjerak (USB) sa obaveznom dokumentacijom:**
 - za LOT 1: projektni prijedlog, budžet i plan aktivnosti i promocije;**
 - za LOT 2 i LOT 3: projektni prijedlog, budžet, matrica logičkog okvira i plan aktivnosti i promocije;**
- **ovjerenu kopiju Izvoda iz registra.**
- **bilans stanja i bilans uspjeha za 2024. godinu.**

Prijava se dostavlja u jednoj zatvorenoj koverti s naznakom „**Za ReLOaD3 program**“, lično na **protokol Općine Ilijaš**, od ponedjeljka do petka, u periodu od 08:00 do 15:00 sati, ili **preporučenom poštom** na adresu:

Općina Ilijaš
Ul. 126. Ilijaške brigade, br. 16
71 380 Ilijaš, Bosna i Hercegovina

Rok za predaju prijava je **19. februar 2026. godine, do 15:00 sati**. Prijave pristigle nakon navedenog roka će biti razmatrane samo ako poštanski žig jasno ukazuje na datum slanja prije zvaničnog isteka roka.

Vanjska strana koverta mora sadržavati naziv poziva za predaju prijava, puno ime i adresu podnosioca prijave, puni naziv projekta i riječi "Ne otvarati prije zvaničnog otvaranja".

Rezultati javnog poziva će biti objavljeni na web stranicama Općine Ilijaš (<https://www.ilijas.ba/>) i UNDP-a BiH (www.undp.org/bs/bosnia-herzegovina), kao i na oglasnoj ploči u zgradi Općine, u roku od 45 radnih dana od zatvaranja javnog poziva (izuzev u slučaju nepredviđenih okolnosti). Pisanim putem će biti obaviještene samo organizacije civilnog društva čiji su prijedlozi projekata odabrani za finansiranje.